



27.juli. 2010

Board of
Directors

Haris Alibašić
President

Ferid Sefer
Vice President

Uzeir Ramić
Treasurer

Sanel
Babić
Secretary

Hamdija
Čustović
Spokesperson

Aldina
Muslija

Amir
Makarević

Dževad
Burić

Haris
Šuko

Kemal
Hamulić

Mirsad
Smajić

Rusmin
Topalović

Semir Đulić

Kongres Bošnjaka Sjeverne Amerike (KBSA) Pozdravlja Odluku Suda Velike Britanije

KBSA pozdravlja jedino moguću ispravnu presudu povodom, u dnevno-političke svhe od strane Srbije, iskonstruisanom "slučaju Ganić". Prilikom samog hapšenja gospodina Ganića KBSA je u svom javnom reagovanju tvrdio da se radi o politički iskonstruisanoj optužnici. Obrazlažući oslobadajuću presudu sudija Timothy Workman je rekao: "Proces je pokrenut i iskorišten u političke svrhe i kao takav ukazuje na zloupotrebu britanskog suda. ...Zaključio sam da nema validne opravdanosti za vođenje procesa protiv gosp. Ganića". Ovom izjavom pravno su potvrđene činjenice o Ganićevoj nevinosti i politikanstvu srbijanskog pravosuđa i bilo kakav komentar bio bi suvišan.

KBSA čestita gosp. Ganiću njegovom odvjetničkom timu i članovima porodice na dostojanstvenom i hrabrom držanju kojim je branjena ne samo sloboda i ugled gosp. Ganića već i istina o agresiji na BiH i njenim braniocima. Gosp. Ganić je pokazao svoju spremnost da se argumentima a ne političkim spletkama ili skrivanjem, suprotstavi neosnovanim optužbama i pred sudom dokaže svoju nevinost. Završetak ovog sudskog procesa pokazao je da su u procesu ustvari uloge optuženog i tužioca trebale biti zamijenjene. Želeći po svaku cijenu dokazati Ganićevu krivicu Srbija je priznala vlastitu obznanjujući svoju umješanost u međudržavnom sukobu na teritoriji BiH.

KBSA poziva državne organe BiH da što prije a na osnovu srbijanskog priznanja i otvaranja dokumentacije iz sramnog dogovora ICTY-Srbija pokrene obnovu procesa protiv Srbije za pravednu nadoknadu za žrtve i materijalna razaranja koje je pretrpjela tokom agresije na BiH.

KBSA se zahvaljuje gosp. Ganiću što je tako hrabro branio svoje lično i dostojanstvo svih bh patriota pred još jednim pokušajem agresije na suverenitet BiH i slobodu njenih građana.

U ime KBSA,

Hamdija Čustović, glasnogovornik